

omnibus, quæ prolata sunt. Seria igitur debet esse sedulitas, ut omnia in usum vitæ transferantur; si secus fiat, ea quæ discuntur, in memoriam tantum eunt, non in animam: Unde nascuntur multa verba, pauca opera. Omnia, quæ discuntur, concoquenda sunt & digerenda, non, ut tantum scientiores, sed & ut meliores evadant. Nec II. nimia debet esse sedulitas, ne cum ingenio animus obruatur; Non avidè invadenda universa; per partes, inquit Seneca, pervenitur ad totum; onus aptari debet viribus: non quantum quis vult, sed quantum capit, hauriendum est. Onerat discentem multitudo, non instruit. Satius est paucis se tradere, quam per multos errare. Nec denique (3) sedulitas yaga esse debet, qva qvis per omnia volumina, auctoresq; transcurrit, nec optimis immoratur. Satius est, maximè sub initium studii Theologici paucis, iisq; optimis Autoribus immorari, eosq; in succum & sanguinem convertere, quam multos sine fructu percurrere.

MEDITATION.

CAP. I.

De linguis futuro ecclesiæ ministro necessariis, quæ & quomodo tractanda,

§. I.



Ræsupposita lingua Latina in primis futuro Ecclesiæ ministro cognitu necessariæ sunt Linguae, Ebræa, & Græca, tanquam authenticæ, quibus Deus primum Scripturam sacram sacris Scriptoribus inspiravit. Testis est historia Ecclesiastica, quod contemitus harum linguarum multas corruptelas, maxime in Papatu, introduxerit.

§. 2.